德

蔭

堂

集

賈乘人之急以施棄取之術而民不堪命矣爲一然歲之豐秏難料而民之有無相因於是富商 食九年耕必有三年之食國有所蓄凡 聞民為那本食乃民天古者三年耕必有一 長白阿克敦 於商賈而農民被其害即何以培其本而者不有以準其輕重之勢制其飲發之經 集 子守穀論 卷十 撰 為

當時各有成效迨相沿旣 重 天守穀之 其天哉此管子 倉朱子之 行其法而適 代若李悝之 民 者 視各存 法 使得明敏愷惻之八實心 不得以肆其計巧立法不亦盡善 一社倉皆與守穀之 祖周官遺人掌委積之意而權 相齊所以有守穀爲守國之道 而實亡耳要之管子守穀之 以滋其獎者則奉行之不善 平耀耿壽昌之常平長孫 久而古意寖 法 互相表裏行於 相 失法 懸 絶 平 雕 其 歴

u Nyjakov	autor et intries		normal designation	Separation D	raini piges pila	ikkin quid egiri	alegyelikin ever.	Woman Dessies		
				<u> </u>					中	所
2							j		飽	獲
									信	乏
温学を多	•		i.						漁	數
		_							之	毎
									患	歲
				_					雖	入
									遇	榖
論に									凶	有
									荒	差
, i	,								吾	而
n									知	田
								:	其	翑
,		<b>~</b>							小	Z
									中飽侵漁之患雖遇凶荒吾知其不爲民	所獲之數每歲入穀有差而出納之間復
•	١					,		,	氏点	侵力
			,				,		病矣	川
									(天)	相
										共

滿流動於天 静互根之中凡本陽而生本陰而生之物各有 於穆之 何陰陽是也體未嘗不具夫 HILA ALE TO THE TANK THE TAN 生生於無窮則五行之順布即一 生之之序日水火木金土語其行之之序日木 極 化之在 陰陽又不可歧而視之也夫太極本於無 洪範五行經世四象同異論 原莫窺其蘊迨夫動而生陽靜而生陰 兩間有體有用體者何太極是也用者 地者也然五行之 用用未嘗或離夫 一說始於洪範 一氣之良能所充

者以測之皆 多其對待之形故凡造物之迹苟由其流之在地皆方而偶圓則不滯其流行之機 内自 而言之分之 地者方 備五行之全耶 是豈五行生尅之理不可盡信 子更易五行而各 ~為五列之 展同之間夫 於此 而偶圓 可以知天地之化育五奇 一而點 E 、契乎流 一夫數之 爲 四莫非 固 四黎日水火土 可會其意於 在天者奇 行對待之 兩儀之 那 數 抑 妙

藏兵於農古制也自秦并天下 校尉以 **冢惟屯田與府兵其制最為近古而府兵之制** 始立軍府之各至貞觀十年分天下爲十道 師屯田之意以變易於其中法甚善也唐武德 AND THE PROPERTY OF THE PARTY O 二等有折 而古制蕩焉無存其弊有不可勝言者漢唐 爲火無事居 唐 督 十四 府兵沿革論 1耕戦 衝都尉左右果毅都尉長史兵曹别 而關內二百六十 野番上 士以三 自 一者宿衛京師是以 人為團五十 而兵農分矣兵農 皆隸諸衛府 以將無 為隊 置 府 即 將 列 初

盛哉乃行之 開陳之終 有田園之業指天 旣 〈德宗 何祖宗之良規子 而府兵之 而其法寖壞至 即位 有所 制 囬 毎 留 則終為近古矣 而 心 欲復其制 孫之不能守 門 變而爲曠 得 加

六年别制學士院掌內命職清地禁視前而較 焉迨宋受命而館閣益盛矣朱翰林學士 後始有北門學士又有翰林供奉之稱開元二 之至太宗乃召儒臣草制然猶未定其名乾封。 **乘與所在必有文學之士而誥合則中書舍人掌** 重地有明畧因朱之規模而更易之名日翰林院 問有所獻 敕 **閥之設泰漢以來未之有也有之自唐始唐** 國書及宫禁所用之交辭凡有侍從 間源流 納 **軱奏對其禮數甚隆而所任者爲** 論 掌制語 則備

代之 貴也 使官職與 而官制亦異同 朝定 斯時安可不仰答命官授職之心稱其官職 而其選擇之慎教育之方點陟之明則又 偏重混賢 黑以來簡才 而俱重 相半 否 而不辨者 一耶若 任用庶績咸熙雖仍翰苑之 概也 館閣之虛名 所能幾其萬 也 厯

膏調聖 極當 心 度之長短非黃 **多寡非黃鍾而何以辨乎以** 也 以為 天下後世而不 思 以立 樂律者 也如黃鍾是已夫黃鍾 而黃鍾不 黃鍾萬事根本論 入首 不可過葢由其窮理之極精故能推數 法於天下後世而 のとなっている。 一悉以是為宗是黃鍾者固樂律之 出庶物其得乎天 鍾 徒為樂律之根本 而何以悉乎 可以數計而 隔八損益之法既立 天下後世遂羣奉 以之較量而量之 又竭其智慮彈 而優乎人者超 也以之審度 大學 大大學 中華 根

出信乎黃鍾不徒爲樂律之根本而爲萬事之 較量而量自較矣不必有心以權衡而衡自權 吾知不必有心以審度而度自審矣不必有心 **非黃鍾而何以明乎度也量也衡也皆由黃鍾** 矣夫黃鍾爲萬事之根本則所以講乎黃鍾 可以不至矣誠使黃鍾之法昭然於心目之 **孙烏能立其法以教天下後世** 取踏左右而逢源者得其根本故也 耶 間間

**今夫心非冥然無有者也則必有所具之** 、靈遂 心之名此誠不易之論也夫心者一身之 滅為學而心之本有者失其有心之至靈 為物也至矣張子直指 用無不 使天下後世昧昧焉惑於其說而不明 無靈者也則必有運動之良能自異端 動之為 與 知覺有心之名論 體咸而遂通之爲用體無 周 枚 妙其神若是乎心固 何知覺是也吾性 其原日合性與知 不備故

知 離性而但言知覺知覺之呈露非性而何由 端吾有知覺發而爲智之端四端起於心者心 德根於心者心之體也吾有知覺發而爲仁 體基性 用也然 吾有知覺發而爲義之端吾有知覺發而爲 無體之用故知覺必合性而後心之體以立 而但言性性中之淵 而後心之 即心也而天下未有無用之體故 而性與知覺則又不可分而言之也 用 以彰知覺即心也而天下 涵非知覺而 何由施

喪 也愚不肖亦同此 心含而忘之遂日 而 其性 存之遂日進於高明者能盡其性 其心而不知求乎 與知覺而心豈 蔽其知覺而不明也 外是哉要之聖 遊於卑 一不味 其知 F

世 本至大而 則 則 無息也則必有至久者 如其久以至道之不行天下者非道之 難言矣 抑人之不能宏道而已矣正蒙日和則可大樂 所 和 ,則可大 無 謂 所謂樂不和 外 盡由其端以極其至之言也然而和樂 和 人或不能如其大道 和 也 樂者泰然不失其性也稍以憂慍 者 則必有至大者而後可以立其體 油然不逆其天也稍以乖戾乘之 則可久論 則乖戾之 而後 可以充其量然道 而 人或不

之氣順天地萬物之氣亦順我之心安天地萬 其去道不已遠乎且夫天地萬物固自相通也 我之端而即有不克自廣之象不樂則憂慍之 然則 心亦安 随在自 如之 大不久者哉要之和樂原非强致也苟天 悉屬撓我之數而即有不能終日之勢彼 人亦特患不能和與樂耳 至天 地萬物之心與吾之心而俱安何久 得上至千古下及百世而同揆也 四海放之六合而皆準 、地萬物之氣與吾之氣而俱順 和則雍雍乎 地 樂則浩

	en delle ser de de delle serie		
TOWER STATES		方 シ 七 お	有機能力
		<b>加</b>	肉間而我乃局於小也至樂無待他求而肉體而我乃局於小也至樂無待他求而有幾微之未復人欲有毫髮之未淨將太
		料於學問之	<b>心至樂無待</b>
		力矣	我和
			顧自拘在

والتوارز بتواريخ أوار بوالنواب

當求者吾身以 得泰然之 者誠不 至 可安者莫富若 富請申論之夫富者人之 問其 身安為富論 其欲富之念勢有所 無端 所內存者何 日日 以彼而易此也旨哉通書 丙也而 乎是故古之 而相當 耳叉 何 知身安之 毎 否生 則茫無所主焉亦 君子求諸 視 分所欲也 能 外至之物 何者彼 為富也哉 也 一个使 有言 身 欣 何 天 能

之可居也故日身安為富也獨是身安亦難言矣 身乃曠然於宇宙之內矣私 得其安焉故理貴其復理復而心有得心有得 心無擾而身乃浩然於天地之間矣將見不 自有可甘也是不待交繍之華體而譽聞自 何不安也推 一也是不待堂高數切懷題數尺而自有安宅 而屋漏之中何不安也無慚衾影而衾影之 一身之主宰苟心有毫髮之不安而身即 而至於日用倫 期其克私克而心無 常 之地所盡之 何地而不安

<b>स्ट्रा</b>			7	<u> </u>				b		
æ	•					基	輕	求	為富役而不	身
廉						庶	之旨而不	富者	富	安如此以視世之勞其神
葉					. 3	幾乎	百	者	役	邚
果						乎	而	誠深	而	此
烈							不	深	不	以
卷						,	為物	味	得	視
							1 1// 1			世
蓝.	,		ļ. ·				情	周	息	之
論論					`		攻	子	之	勞
							取	之	安	其
						-	攻取之所移以為了	周子之言斯有	一息之安者相去遠矣	神
							所	斯	相	疲
	-		,				移	有	去	其形
							$\widetilde{\mathcal{V}}$	以	漬	形
	· •						爲	得	秦	戚
		,					1	夫	然	
							學	五	則	戚 皇
							シー	<b>内重</b>	全	皇
						4-14	門	二	身	重
								<u>./.i.,</u>	-7	7

能踐夫形色之性者道必待身而後能擴夫 放大請 今失以藐焉中處之身參贊天 身為具體 者道 道能物身故大論 固 得 P 而 有闕 道離身則道為虚名故身必待道 須臾之 巳矣然 तित् 由以 海近 申其說焉夫道也者放 而不 或 而至於· 見其大者 而道與身常相 離 盐 可者 他何者 倫事物之間莫不 也張子曰道 其大 地裁成萬 待也身離 矣然而有 而至於六 训

7而天地 非身 身 之 

		i i	l l	e de la company			+4f ====================================
<u>.</u>						1 4	相待也 能必人之體道而成其大之謂也故曰道 非人之謂也道不宏人者道能體身而成
				1	1		往 次 4
7					1		待必力
	1			1			むし人しさ
<b>.</b>	:[	.	-		İ		
<u>.</u>		1 1		ŀ		].	
Center	j a			· .	•		Eidle Z
7		]					間 七
	Ì			1	<u> </u>		泽汉
1							<b>週</b> 追
	ŀ						- I
						].	###   ****
	ĺ.	<u> </u>					一十二十二十二十二十二十二十二十二十二十二十二十二十二十二十二十二十二十二十二
•				<u> </u>			
	· ]		1	!	1 1		直   八
."	_			Ì			
¥		-	1				一大者
35		,					11/2
		i i					
							一田 会し
•	·		1		]		門  形
		·	·				山山画
							业制型
•			] .	•			一节。即
,					,	ſ	
÷. [		7		:			ाताः 🖂 📗
	}	1					· * · · · · · · · · · · · · · · · · · ·
	. 1						日面成
3	: 1	. I			<b> </b>		
		-	1 1				一大 大
	!	.			İ		與其
	• [		1		· : }	J ·	コフノ
2		, . l	,		. }		一堂一不
	Agran L	· .J	1				

**鲁調萬有不齊之物充滿** 不置其 以宰乎其先則天 際往來之 然其神焉者 伸往來推遷 故神之 此哉且天下惟有所雜者則不能統而雜出 施乎是惟無聲無臭之中 而後 透嬗必有以主宰於往來之 一說請得而論之今夫天地之 而不巳者流行之妙葢亦 知蕃變之機皆歸于於穆之原也 屈伸之 一地亦不勝其勞而紛紛者 相等必有以 流動於宇宙 無運 實蘊乎有形 間豈無故 於屈伸 極其神 間使無 大也 何 F

致也 陽 規其深哉 凡萬象周充溢 病其雜 運 亦 Th 其機 極 PJ 也 易日陰陽 生 何 一之者 太極本 析 極 加 神也 F 之 艛 )矣惟其 機 固巳 分 皆 而 神矣 惟 則不能該 測 反覆於天 至 一故時行 在 理 一調 躓 於 推而通 化 倚 、地者 神 醇 地之 而其神 測者 之利 物生 之 義 用 時 神 遂 闹 闹 擬 也 何

獨 無 然 淵 有 劉 生 陰 而陰主 者陰陽流 極 陰陽之 而 定而 地 非陽則不能獨成 陽 動而生 自 間 日陰陽 萬有 一乎成 精互藏其宅 陽 不移 行之 順陰 陽靜而生陰陰陽分而 是を選出いる例があった 惟用妙乎流行故陽非陰 不齊之 者陰陽對待之 所 精 Z 用也惟體立 精 蔽 互藏其宅 無所蔽 論 無所 泥而言之寧有當 聚而 依 無所 後有 於對待故 體也有環 此誠窺乎 兩儀立矣 形使 則散 無以 邨 侩 能

宅 息 藏 者其質本陰 而陰之精 於陽 何侍以 乎陽也 為質 藏 劉 不宅 生物成物於 杰 陽 天 乎陽之 平陰 下凡 、乎陰之宅而藏其精 其宅然後陽非 屬 也 宅 一而造化 陽 乎陰者其質 要 而藏其精 有陽之 已也且 而言之 兩 夫 功能或 獨 陽 陰有陰 而 陽 陽 婸 也 非

思			}.		]	]		m
な					ļ.	· .		TIME:
泛				<u> </u>	1 ,			7
		,	.   '					11
			.[	:			1 1	米
	1			1				何
		1		1,				流
				1		;		VIU
					-			17
L			1					之
		}			,			美
<b>। माग्यः</b> वेदः						Ī		天
							ŀ	久
1								不
								- 1 *
			'					H)
						.	1.	岐
					Ì	: .		
		· .					İ	Ш
		-	,		•	į	],	<b>那也對待流行之義又不可歧而二之名</b>
u d			,	[ ]			'	<b>~</b>
						. ]	7	天
							.	
					1.324			

定之 遂 交錯雜 固 足火 性 日 陽 無陰 陰 得 陷 感而 水屬 歧陰 體萬 一陽也 於陰 水火與一 動靜 陽盛也 各十五論 不 〈有以 於陰 本陰 枷 耳 根之際陰之中未嘗無 水 發揚而暢達 帅 而 可終窮故水 無遺 氣 附 極其流行之妙則夫 而無與於陽火 加 升降浮 於陰為火論 視之矣然 生本陽 旭 夫 火 水 THI 沉 火之 生 居陽變陰合  $\mathcal{H}$ 水 而 人屬於 木華 陰盛也 行 五行若有 性 潤 易陽 金實於 下 就 行 日 無 說 水 J.

與於陰將獨陽不生 乎陽之 而陰 張 明火內暗 也離之中虛陽包乎陰也是故水 耶是亦未明乎坎離之旨矣坎之中滿陰 則外陽 陰 陽昭於陰爲水 類 而陽處其中附於陰者陰居乎內 而外 而根於陽火 '物で 在外而陰則內陰與陽迭相為體 明葢其暗者從乎陰之 而各具乎明暗之不同者陽在 一獨陰不成又 陽 附於陰為火陷於陰 而根 於 何恃以生生 陰非能 外暗 知陰 類 明者 窺 丽 者 坎 陽 從 包 於 離 对 魝 也 内

市上	· · · · · · · · · · · · · · · · · · ·					者有妙合而疑者矣	化之運交資
金十二篇						凝者矣	化之運交資為用而不泥乎象則其混
			,				象則其混論
U		(2) (4) (4)		112			融而無遺

元原客		-		•
	·			
		:		
			のでは、 のでは、	

諮 **德** 陸集 巻十六 凉 原心亭在院署之坤方與教習廳相對凡入中 歲在已丑余蒙 超為这些人外上一个問 逐者 秋 記 恩得讀書其中與諸同館把筆吟誦於斯亭 心目婚前雙槐挺秀夏日濃陰滿地溽暑 深落葉蕭蕭聲來益靜車馬之喧杳無聞也 長白阿克敦擬 原心亭記 即此而肄業焉亭中四面皆窩霽月光 曾孫那彦成校刻 一般の はいかける 一般を 風 秘

之學不外傳心書日人心惟危道心惟微惟精惟 心之 迄今三易寒暄矣獨是亭以原心名者何也聖 言心吾儒之言心有體亦有用釋氏之言心有體 **肯也朱儒張載謂合性與知覺有心之名夫性** 法之祖大學言正心孟子言录放心即危微精 喪其知覺運動之能也然則亭名原心殆亦 性與知覺而冥然獨存者也乃吾儒言心釋氏亦 **巾無用有體無用故自滅其仁義禮智之性而** 不正生生 人先一二人 允執厥中古帝以之遞相授受而遂爲干古 體知覺者心之用心兼體用則心固不能  $\hat{\bar{Q}}_{i}$ 

		المجموع معاورا					لنامية بسيده		والمنافع المراجع	سير سيرون
#	]		ſ	[ .	1	ſ			於	所
TITS.				ŀ	-[	'		1 "	1//	//1
*		ľ	1 .	1	1	-1		}	是而爲之記	調有體有用之心而不可入
<b>\$</b>		•	ľ	1			.  '		定.	
				1	1		1		-	بنوت ا
Ŧ,			1 .	1	İ	Í	1	1	i titt	/日
<del>.</del> .	3.5		1 '		1 .			ł	1,10	, J.
E.	17		) 1	1	1 -	l l	1	-	一位	- 哲盟
1					1			1	<b>/</b> W/.	Liz.
				'		.			-	
1			1	i		`	1	1		
5	١ . ا			ļ	1				مباب	
*	]		] .	1	J	J.		1	5H	用
F		i I .	1		1			1		1
<b>F</b> å :			i .		1.	. [	ľ	1	'	
27	' '		}	1 .	1	1	ļ.	į	ļ ļ	سنجر
	]		. "					<b>)</b> ,		10
			1			'.			•	MT.
		•	<b>f</b> .	1		1	1	ſ .	1	T.E.
粒比	[ ]		1	, '		1	1	[		1717
1	1		1	1	1	1	1	ļ ',		
re <sup>r</sup>				[	1 ,	.	1,			不
<b>4</b> / 4						1	1 .	• •		- L.
L"			1:		1	1	1	1		त्ता
	[			<u> </u>	ļ.		1.			
			] .	j -	J	]		j		す
							1	<b>!</b> [		へ
1			] .	Ĵ			1			- <b>Ł</b> -X
10			1	٠.	ł	1		} /	. 1	75
7					l	}				/* *
	•	• 1			· .	1				平里
		, j	[	[		ĺ '	i 1	ĺĺ	- 1	7辛
			,				.	, [	ļ	釋氏之
	] ]		ļ			1	] .	}	j	إيكد
4							'		.	_
			ŀ						[	
		,	' ·			l	} . I	ŀ	- 1	
(1895) (3) 4.										24
<b>1</b>		e is a j								
			[					. [	· '[	<b>F</b> E ∶
<u>.</u>	#.f	ì		j					ļ.,	进门
7.	, i		l }	1		1		·		虚平
账		1	· . : . [	•				.	-	
SLUL	10 S									<u> </u>

ş

簡 局 鄭 云定王 义若肇自 以東至 考 又云周 日九 五年 河考 桓 존 Ē 逌 時齊桓 既道 涧 徙 得其詳 矣夫 鬲津 日 太史目 則後之 鬲津其名 往往 、周之 公塞 河在兖 所 馬 同爲 行巳 頰 可考 州 其 遺 日覆 非九 而 處 河今 知 原 則 鬴 移河 也 河也按 也 胡 而 防 河 道 間 周 爲 譜 而 河

見議者 亦不能確 詳 都尉許商 利 而泰 とは一つのうとなる。 固 每欲復九河之迹而不可得至成帝時 見成平東光局縣界中自 附 有所據以正流傳之誤也漢代 會於其間 一青日古 載 餘典籍夢亡 百餘里 千載 夫 則聚訟之 能 許商 九河之名有徒 雖有好學深思之 止 |言三.河其餘 鬲津以北至 如 可以息矣 河患 疑 汕 胡 N

取諸左氏公穀三傳若是乎三 (如盟茂 是當時褒諱貶損不可盡見故春秋之名 文 亂以起窮經之疑者亦不能不均 而翼經之功三傳固均有所得而 為味 一氏者猶 築郿之為微 秋春秋乃萬世不 屬豕魚之誤若夫 | 傳之翼經 會厥愁之 而三傳 爲 經

氏之書其義更甚懸遠也及觀襄公二十一年之 權妾母稱 見矣况臆斷之 精於公穀 開倫類之 裁之失於俗而已也要之左氏親見國史 爲用禮非左氏之失乎以衛輒拒父爲尊祖 于斜為內惡非穀梁之失乎以祭仲廢君為 了生良公十四年之書卒三傳之意爲增減又可 大不但豔富之失於巫清婉之失於 公穀雖經傳聞往往不失聖人之舊所 夫人為合正非公羊之失乎凡此皆 偏 至於鬻拳兵諫為愛君文公納 同湮役也窮經 短有

理之至當而不徒求諸章句之中則傳之所有 擇其至善即傳之所無亦可以默契乎聖 一能即傳以 不必拘 於後世也哉 通經復 拘於左氏公穀之 引經 成說安見聖 傳惟以準 þ

涏 惟 禮之 周 公周禮 得乎 頟 、必有聖 同異辨 鎺 宏規至於儀法度 悉備未嘗 飲食之 儀禮皆周公 至纖至悉之故必曲折以求 人心夫 八情之安而已矣自古制禮 八之德而居天子之 禮非强合之物也自 一不嘆其體 際莫不有禮要悉本 肵 也閒嘗讀 | 條果 國經 野之道 其盡善 周 能首

弊容或有之而古經賴是以存也苟能研第 其說亦未 儀禮可以互相發 調 者 其意即三禮之同異改訂以求合乎人情之 之義疏矣朱子日儀禮經也禮記傳也卽此 耳說者謂禮 意也然而去其繁重 慽 廟朝廷 則儀 可據以為信夫典籍淪亡之後傅會 日用飲食之際安見其不 一大人 かられているところとのないという 能 明而不悖者禮記一書故無異 四十 彰明而較 九篇 一補其闕畧卽 盡 出於漢儒之 者也然與周禮

						1			加二	7517
Ĭ			i			}			27	郁而
47. 1 3.14									-444	
						<b>,</b>			配	in in the
							Į		-34	
•						<u> </u>			7800	pil
						<b>]</b>			79,22.	
-:		, .				[			「」「「」「」	脚
					ļ.	]			21	15/1
						[			小人	<b>-2</b>
蠼		i				ļ			й4,	
				'	;		İ		الموفسا	者斷
٠.	-	<b>.</b>		,		[		1	然議禮聚訟之笑何取於經生章句之末也乎	<b>郁而可觀者斷非有德有位之聖人而不能也不</b>
. [	į					l i			1.4.	-H-
				ļ		] ]				ᅫ다
·		İ			·		, ,			41
			Ì			ìi	·		101	<i>1</i> ET
,			ĺ	1		1		1		3.1
			. 1			1			TH	他
华				}					~~	1/00
Ī									七人	右川
		'				}		ı	八八	<b>/FJ   </b>
						l l		, [	4111	
						! '			一学	441
					,	]			12.	
					<u>'</u>				4	
	·				i				ا میانید مراقب	707
	{					1			百	<u>Pu</u>
	<u> </u>				1				何	$-\Lambda$ $\pm$
						[			"J	ノ
٤.	į		ļį			[ [			-5	而目
**			}	i					<u> </u>	JIIJ (
						<u> </u>		i	- -	7
	}					]			不	
	. '					]. 1				-16- I
:	}					1			111	FIF !
						,				
				,		[ • [	'	. !	<del>-  </del>	M1
						[		, i	, J	المنا
	'	i		, ,					1	X
<u> </u>										1
r		)							اسیمیدینی <u>سی</u> ا	

者之信反以滋學者之疑則又以不見古人爲恨 訂百世以上之載籍如見古人也然而代遠年遙 謨訓許誓命之文可以無世立教者定為百篇百 也昔孔子討論瓊典斷自唐虞以下訖於周取 存又何從有古文今文之名衆疑信於其間乎自 不能與古人 泰火之後盡改倉頡之體天下不復知有古文故 A Mark Andrews 者生百世以下載籍亦云博矣由百世以下論 中悉一 尚書古文今文辨 一帝三王之大經大法也假令至今尙 

其文義為隷古以定之然其增多於伏生者除所 莫能辨其科斗文字不得巳而以聞於伏生者詳 盤庚二 其間苟非好學深思亦安能辨其是非真偽確 五篇按百篇之數已亡其四十有二矣嗚呼百 可效者何可勝道乃復濟以穿鑿附會之 口授尚書之一 一篇舜典益稷康王之誥三篇外不過 舊宅得壁內古文處夏商周之書時 如尚書古文今文之錯裸湮 一十八篇皆今文也至曾

奪倫 濟之八音以動神人者不能外此 者叉莫過於三 魏晋自李登聲韻出相繼而起者不一 中然音韻之 **德隆堂集**一套十七 工詩言 間天 雜陳及 神 切韻洗約 、地有自然之元音音韻之義大矣哉虞書 志歌永言聲依永律和聲八音克諧無 學音韻辨 凡有立言以垂後者皆有音韻存乎其 學上古未有成書也著 和是聖 百篇詩與樂原合 四聲 譜見於隋志而唐 人作樂被之詩歌华之聲律 而音韻之最著 也推而六籍 為成書始 、惟周 相

森等 心酌之于古審之於今復不存南北之 韻後朱祁鄭戬等更爲集韻 不載則巳亡之矣唐人奉爲章程者陸法言與 無異於南北乎故辨音韻者惟矢以大公無我 風土聲音各異雖反切詳明而反切之中聲音 而變每有古韻今韻之不同而其間又雜以 用之并集韻亦廢矣歷觀往代俱有成書然 爲 所用已非沈約之四聲矣朱祥符中賜新名 ではコンソを立て変数を変更に対象を通り 百七韻名壬子新刋禮部韻畧朱人 同撰切龍五卷孫愐刊正爲唐韻 而廣韻甚微迨 據 劉 別唐 四 廣 劉

<b>1</b> 300	100	Tan St.	<b>.</b>	,	<b>,</b> '	\{\.	1	{	1	コレスク
F" ~			Į		Į .	}	,			.  •
1			1			ļ ·	ľ			コブ
1	\$ · }		{		<b>{</b>	1	{	<b>(</b> '	<b>!</b> , .	1
1	- []		]		j -			1	1 '	14
	1	1		1					] .	12
			1	} '		1	}	{	{ .	A
Ţ			}	J		·J	]	1	]	
ì	1				}	1	1	1 .		7
<b>,</b>			1 "	1	-	{	1	1 .	{	E
1		<b>,</b> , ,	1	]		}		}	]	おりと見つアオ
	1		1	1:						月月
		ļ	<b>!</b> ' ,	<b>!</b>	1			}	ł	ן ע
•		~ .		1 .		· .	1		1	يم ا
	: ·				<b>\</b>	<b>\</b>	1			I I
			1					{		1
	}		<b>{</b>				19.0			F
1 :	1	<b>∫</b> . '¦	<b>f</b> , , , ,		{ · * · ·	{	[	<b>(</b> - )	<b>(</b> · · · )	1
<b> </b> :		1	{ `}		<b>!</b>	[		<i>[</i> , , ]		4
	٠ . ا	<b>!</b>	<b>∫</b> . γ	]	ļ · .	<b>i</b> .			<b>}</b>	14
			<b>(</b>	<b>(</b> )		<b>[</b>	{	[	Γ. Ì	7
	į	•	1					{         }	ļ j	万然七
		<b>!</b>	i A	1 . `		<b>[</b> , }		1 1		E
The		<b>!</b>	<b>{</b>	<b>(</b> )	{ · ·	( · · · · )	(	f. 1		M
		<b>[</b>	1	<b>1</b> . ]		<b>,</b>		\$ : ^^ <b>}</b>	۱. <u>أ</u>	1
		l ·		¶ · }	ļ	t ' ;			l i	U
	, .		1	1 - 3 - 1	<b>(</b> )		į į		!	ţ
	· •	<b>,</b>	] "> * *}	<b>,</b>	[ · ]	ļ j	ļ i		ا }	ţ
	١. }	; - 1	1 : 1			·	ļ			1
		,					(	(		١.
<b>.</b>	·., }	. : 1						ļ ·		} .
	: }	1 1	} .	1 - 1				1 1		١
			1	1	1			}	· . * }	}
		*	1			<u>                                   </u>	· j	, ,		
			{							
} "		ļ. i	} }		¹ , ·}	ا ا		1	<b>!</b>	
		-	, l		!	•			·	ι
	,e	13.354	1			<u>1</u>	<u> </u>	19.		' 

其德也稽古三皇之代洪荒初闢類 於五帝神靈 說 有春夏秋冬之不 夏則生生之意暢遂條達不徒勾萌甲 五帝之世如夏說 物 切創 蘊 天亶 無 聖 固 制立法典禮 天札疵癘之患 說 |復濟以經理之 無異資始之 同世有皇帝王 出御字以好生爲心 作樂之舉悉於此 檵 惟能與 一霸之 多未備 才五氣布 以流行矣然 各與 地 而

降春夏之餘轉為秋冬皇帝王 然而其實非也天地之氣陰陽而已陰陽之運 一量蕭條慘淡之象耶說者 留於天地間矣 而已時不能無閉塞收藏之時而生理未嘗 可至於皇則是秋冬之後必無春夏有是 誠五帝之君世即五帝之世將見長養之 謂霸之不可至於主王之不可至於帝帝 日時有推遷世亦 一霸亦勢之不得 理 剃

松客堂長 禦浩乎而無窮以視雕蟲刻鵠之技言不從氣 矣然立言不自言始也言之所從出者氣而已矣 古有三不朽日立德日立功日立言立言葢亦重 言也今之爲言者但求言於言而不知言之 氣有大小而言亦隨之氣之大者其言沛 **匊枚日工其言而言仍不工** 勢既 相去何可同日語耶閒嘗觀夫水而見其奔 氣水言浮物說 挾以俱往者水大於物也而何疑於氣 無從宛其畔岸津涯而其中所浮 一彼古昔聖哲之徒躬 王 北 乎而莫 一根於 切之

似也不然則是不疏其源而欲 自遠其所 **氣養氣則立言有本** 從出 知其不能矣 固 不同也是故立 有意於文而言自文 所能得

莫如三冬何也冬者歲之餘也皆歲之欲暮天 於內者氣機使之然也況五夜漏下剪短燭以 收藏冰堅木落學者之心思神智不能不象而 自のこうと言うというない。人気のないないできない。 一變而四時之中可以恣其探討而無窮者則尤 編更有以繼日之所不足乎蘇子云平生有味 日何時而可間其心耶然學者之心歷四時 一條即文史足用之說也學者乘此足用之 冬文史足用說 不息者也學者法君子之心以為心則亦 以自强不息君子之心固與天 理 丽

)		<b>,</b>			` 	之心矣	用質
<u> </u> 				·		天	
			<u> </u>				具人
J							不取
<b>[</b>		•					<b>達用之資而不徒視爲空言則亦君子法</b> 專覽文史尤取其有益於身心家國者以
						<u> </u>	視有
   					-		
							言身
				· !			則心
							亦冢
	 		•			. ·	石图
					٠		法以
						1	天為
							不明
							息慢

則祭於坎壇法日月之明順星辰之度消水旱 政調二氣也外此所祭不一神 者與天地合德故燔柴處埋之 則祭於王宫祭於夜明祭於幽宗雩宗所以 命者不恃其尊 六宗說 月祭星祭水旱而謂之宗者以六者從乎 聖 **忽四時之序則祭於泰昭** 人之 祭也而書有六宗之說其故何與 徳居 天子之位至尊無上 而尊天也則夫祭時祭寒暑 外百神皆得 而禮文亦因 不乖寒暑之 一而必 節

由來乎 八之意也然泰堰泰圻反不得謂之宗者豈尊 之類也地統於 反不如尊 ノター・フ 六者耶葢王者父天母地 無假於尊之名也此六宗之說 天之 而謂之 天地之

伏念臣以謭陋之材早入詞垣得親侍從出受封 命之 **龍渥典試春闈兹復以掄才鉅任卑臣聞** 疆之寄入膺喉舌之司方愧學識迁踈末由報 乾隆十有二年秋八月届貧興之 語の名字に言うと言うと言うに言う 序 命臣阿克敦偕左都御史劉統勲典順天試 丑科仰蒙 順天鄉試錄序 方雲集釞奉 彌切惊惶夫京師爲首善之地多十 は、これのでは、一個では、 期 觀 事

諭 御覧臣 命近侍大臣監視內謹齃防外嚴 LL) 局 · 僥倖之念泯.積弊澄清真才競奮尤當仰體 旨今科尤加慎重乃循甲子之 學政臣吕 闡 闢 四十六 林蒲封等畫 也 例得殿言簡末竊惟文章者政事之 門籲俊之至意精白乃心秉公棄取爰進 武武之 - 時稽 人旣蔵事擇其文之 熾 臣 阿克敦 夜披閱得 所錄士 一暨太學諸生共八 臣 正榜二 劉 以聖賢爲師法 統 尤雅者恭呈 複 例 勲與同考官 直二十 檢夤緣之 本 庶 我 餘

真然後能貫通 覽經史體會傳註斯淸奇濃淡各有所歸故理 言起行者上 手即 警雕 足 一乎今由是明試登庸以名士爲名臣實有 ,其言藹如者歟夫制藝貴以先正爲程式 概名言精理結撰於中而後發而爲文得心 機滿眼 爲心思也何必求其新而越規滅矩不 調也是又惟陶鑄乎兩漢兼粽乎八家斯 学 金上表 一副旁求 句之間無不菁英卓越準乎古 非華也義必窮其與而能 拘牽繩墨非法也考核當然後能 下臻實踐正韓子所謂仁 羅圖 博 險 足

其體宏敞其神淵穆其氣則蓬蓬勃勃浩瀚中自 迷 顧或作者得之 務采色夸聲音者徒見其浮靡偽妄而已洪鐘 恬適其詞則炳炳烺烺焜燿中終歸蘊藉彼 | 訓也今之爲文者理必清眞詞必典雅無誇多 重 關靡無苟且而弋獲固巳蒸蒸然皆知趨 而筝笛之響不入於耳濯錦鮮 煩 目指歸既定决擇方精此所以正 精神與作者之 而閱者失之 則遇合無 而繁縟之 文體端士 憑誰 向

或擇之 高岡之 國家之 操 間 難得之難知之愈難誠有味乎其言之也 詩 衡鑒 而 臣矢公矢愼取醇正精湛之文而拔其尤 樂育 盛庶 鳳 不精採之未盡清夜自捫實 口藹藹王多吉人藹藹王多吉士 一識其難亦不敢不求其所以 相 **便和** 渾 合然後可柳子厚云古今號文 、材之意但 負 其聲以鳴 臣雖 竭誠以襄事共 不能無 難 一惟願 惟 與 眯 間

**軽攜所** 墩章苗 似有若 牲畜不 始 加長子 日舍楞噶山其四祖之 日妻雅朗阿 頹 旭岩 阿繼 五 和洛之 可數計量以山谷故谷以祖諱得 子西遷於瓦勒喀什 諱查克旦 遷於鄂謨和索 孫自為紀載因散 穆都巴顏先 上,序 稱葢由於 日伊漢阿拉 巴 爾世 此後所生五子 孫派正白 羅緣鄰近部泉 居於長白山之 布已 日卯 羅 爾金居 久未 期 旗 阚

生 湎 立呼詹三子康素 子 也巴篤祐巴 巴篤祜 | 旗者皆其後 哈 二長米 貑 灔 俱 巴 グニーノ 來人 無 無 薊 溙 生 蔥 子七長子查 次 查 伊泰 次卯亡 生子四三子纫亡長子哈 泰墨 裔 惟 勒 爾吉巴克什之子 譜 我 痕 四子哈 系現存 七 岡 祖之 子莽色今之 根 阚 四 可效 阿 次 胸 子雅 巴生 級 思 也 圖 哈 朗 阿羌 子 爾泰 伯 阿 克 巴 鑲 爾爾

行培養加宗元氣而 **湘毋陳氏撫孤成立再振家聲敦欣懼之** 日忘也所望後之子 · 持一切不知能 の 丁湯 あい あっちょ 加 不泯遺澤則必將 孫以忠厚居心以 線耳 頼

役梅先適逢其候逸士之德幽 一弱質收香長留既節以 彼黄菊 秀掩映疎離依 染繊塵秫 菊花隱逸贊 獨飽秋陽花肥 田釀熟結廬 微遠岫冷蝶還鉢寒蜂相遊 一般擊芳楚楚綴英亭 為鄉 昌雨葉茂經霜穠姿 彭澤清賞 人之貞自抱高 では、これでは、これでは、 桂 退

世得 **載 婚 圖 像 得 覩 名 賢 高 山 在 望 景 仰 依 然 曠 世** 堪悅或以事功倫類超軼如外之 **較此稱奇生今世者勉副 感高踪競傳我懷其人中心躍然或以文章風雅 垦首出克應昌期海宇昇平八麦無涯師師濟** 賜進士 知 **閻立本畫瀛洲十八學士像贊** 一出身都察院左副都御史門下 非關粉飾我 清如玉之 潔盛

	·			,   			
							土观
	,						連 校
						32. 4	
	, .						
					:		
元孫	,		-	*			- 1
容殿				·			
模字							

穗蔭堂集後序 滅極富公乃得刻勵力學讀書於左安門外之 **陰堂集** 丑成進士 ~ 鼎以 相款治乃徧游浙西嘉杭勝處傾産購書故 村家塾志存遠大不屑以詞章自鳴發爲文 理與卓然非經生家言康熙戊子登賢書 公武功起家然深喜讀書每與當時文 十六卷先曾 工出安溪李文貞公之 **祖文勤公所著也发自** 門由翰林狩馬

國史身後 贈 隆 熙累洽之昌期膺黼 皇華懷柔 所著述自瀛洲侍從視草承 **屏典領槐廳提衡玉尺綜計登朝悉五十** |祭葬繼復以先祖文成公平定||兩金|| 一公生平碩德宏猷朝野望之如泰山。 布化泊乎協中弼教襄營 **黻隆** 平之重寄鉅構 明以速奉

同時寮菜亦皆歛手交推顧先公服膺古名臣 朽之三不欲以文字争先於藝苑猶襲志也以故 敬 家塾迄今四十年矣那彦成仰承世德惺墜家聲 祖文成公嘗裒掇遺製藁爲此編序而梓之藏於 各章儁什傅誦人口者尙存其他則散佚頗多先 **滩其來有自** はは大きなとして、一方は大きなないというというと思うと思うという。 叨德蔭敢求敬念之哉 定 於公暇旣謹輯支成公年譜將以上之 加覆梭重 《復念文勤公是集舊版巳漫漶率長子容安 一詩云無念爾祖聿修厥德那彦成幸 一付開雕件我子孫益曉然於行澤發 The state of the s

				interior de la compansión de la compansi		**************************************				
			]			:			嘉慶二十有	
									<b>愛</b>	, , ,
						:				1
		: <b>.</b>							右	
					,				/FJ	
									年	
						,			夏	ام ا
:						,			一年夏四月之吉曾孫那彦	
					1				月	
	ļ			,					之	
					·			ì	古	•
!								·	曾	7
.									孫	
									那	
							ĺ		彦	
: :					 	1		•	成	
, <u>}</u>					.				謹	
		İ			-				識	